

ԳՐԱԿԱՆ

ՎՈՐՈՂՅԱ ՍԲՐԱՀԱՄՅԱՆ

## ՀՈԳՈՒ ԱՆԱՆՅԱՆԵԼԻ ԲԵՐԿՐԱՆՔ\*

«Սրտի բերկրեցելու երեսք ծաղկին.  
 և ոգի որ ի տրտմութեան է՝ թախձեալ շրջի»:  
 (ԱՌԱԿ ԲՈՂՈՄՈՆԻ ԺԵ 13)

Զարաշահելու համար Ձեր. պարոն դատավոր, դատավարական կազմի և դադիճում ներկա գտնվողների համբերատարությունը և խոնարհաբար հայցելով ձեր բոլորի ներողամտությունը, թույլ տվեք մի քանի տարի ետ վերադառնալ և, որպես չափափաս ու քիչ թե շատ կյանքի բովով անցած անձնավորություն, անշուշտ, իհարկե՝ ինչպիսիք եք նաև դուք բոլորդ, խոսել մանկական մի առաքինի ու սուրբ զգացման մասին: Կրկին հայցելով ձեր ներողամտությունը, նախ ասեմ, որ ես որևէ հավակնություն չունեմ մարդկային հոգեկան ներաշխարհի երևութական պոթելումների և դրանց ներգործությամբ դրսևորվող պատճառա-հետևանքային կապերի մեջ ներթափանցելու և նոր, յուրովի վերլուծություններ կատարելու: Քաղ լիցի: Այդ վերլուծությունը թողնում եմ հոգեբաններին:

Այստեղ նստածներից բոլորդ էլ մանուկ հասակ եք ունեցել, ապրել այդ տարիքի քաղցր և դառը օրերը, օրեր, որոնք ժամանակի ընթացքում մոռացության են մատնվել, անհետ մշուշվել անցած ձեր կյանքի տարիների հորձանուտում: Սակայն կան անձնական ինքնապրումի այնպիսի դրսևորումներ, պահեր, որոնք, անկախ քո կամքից, ներթափանցում են, կարծես մխրճվում քո հոգու խորքը՝ այլևս այնտեղից դուրս չգալու և մշտնջենապես բնակվելու տվյալ անձի քաղցր ու անդառնալի՝ հիշողությունների լաբիրինթոսում: Ինչո՞ւ եմ ասում՝ նորություն ասած չեմ լիցի: Որովհետև այն մասին, որ պիտի խոսեմ, յուրաքանչյուր ոք ապրել և կամ ապրում է յուրովի, և իրեն թվում է, թե աստվածաշնորհ այդ մարդկային զգացման ըմբռնվածում միայն և միայն իրեն է շնորհված: Հաստատ համոզված եմ, որ բոլորովին էլ այդպես չէ: Տարբերությունը միայն ընկալման մեջ է՝ կապված տվյալ անձի հոգեբանության և անձնական խառնվածքի յուրօրինակությամբ:

Ձերկարաբանելու համար ասեմ կոնկրետ, որ խոսքս մանկական անմեղ, առաքինի և հավերժորեն անմոռաց սիրո մասին է: Այս պարագայում, այսինքն՝ մանկական հասակի երեխայի այս առաքինազարդ զգացման համար, «սեր» ասելն, ինձ թվում է, այնքան էլ տեղից չէ, բնորոշ չէ, քանի որ լիարժեք սիրո զգացումը հասունանում է միայն երիտասարդի և չափափաս անձնավորության մոտ: Մանկական սերը, սակայն, իր թերի լինելով հանդերձ, մի յուրատեսակ, անբացատրելի հոգեկան ապրում է, բերկրալի գործվածք, երկու երկսեռ մանուկների փոխհարաբերության տեմպանքի մի անմեկնելի հույզ...

\* Չորրորդ մասը տե՛ս թիվ Դ, էջ 162:

Ինչևէ, երբ ես տարիներ առաջ ընդունվեցի Բանրակոթական դպրոցի առաջին դասարան, մեր դասղեկ տիկին Մուրադյանն ինձ նստեցրեց աշակերտական մի նստարանի, որի երկրորդ նստատեղն արդեն զբաղեցրել էր մի սիրունատես աղջիկ։ Առաջին իսկ օրից ես ներքին մի անբացատրելի զգացմամբ համակվեցի դեպի նա։ Թեև առաջին իսկ համդիպումից մեծը, ինձ թվում է, համակրեցի՞մք միմյանց, բայց ես իմ վերաբերմունքի մեջ միշտ զգուշավոր էի մրա նկատմամբ, ամոթխած։ Իմ կողմից այսպիսի վարվելակերպի դրսևորումը ոչ թե վախի կամ անհամարձակության հետևանք էր, այլ իմ էության ներաշխարհի շրջադարձային վերափոխման հետ կապված ինչ-որ անբացատրելի զգացման արդյունք։ Մեր համդիպման հենց առաջին պահից ես սկսեցի մրա նկատմամբ մի յուրատեսակ, ինձ համար անսովոր վերաբերմունք դրսևորել, որն աստիճանաբար վերածվեց անմեղ սիրո տաճումի։ Ա.... էին կոչում մրան։ Այստեղ արդեն խիստ անհարիր է հիշվել մրա անունը, քանի որ...

Եվ այսպես, երեք տարի համարյա ամեն օր մեծը շփվում էինք միմյանց հետ։ Պատճառն, իհարկե, բոլորիդ արդեն պարզ հայտնի է՝ ամեն օր դպրոց հաճախելը։ Հանրակրթական դպրոցում ուսումնական այս երեք տարիների ընթացքում ինչպես ես խորանում էի նախնական՝ սկզբնական գիտելիքներ ձեռք բերելու գործում, այնպես էլ այս ընթացքում մեր երկուսի մտերմիկ շփումներից իմ ներաշխարհի փոփոխությունները զգալի էին։ Դեպի այդ քնքույշ էակն իմ ամեն տեղյակները զնայով ավելի էին խորանում, ծավալվում և կարծես՝ բարդանում՝ աստիճանաբար ընդգրկելով ողջ էությունս։

Մայիսյան մի արևաշող, պայծառ առավոտ տիկին Մուրադյանը մեր դասարանը պետք է տաներ Երևանի պատմության պետական թանգարան։ Եթե չեմ սխալվում՝ դեռևս առաջին դասարանում էինք։ Բոլորս համակված էինք արտասովոր աշխույժով։ Մեզ համար չափազանց անսովոր էր և երանական խորհրդավոր՝ մշակութային այդպիսի օջախ հաճախելը, առավել ևս՝ ծանոթանալու մրա ցուցադրամենթին։ Դասղեկը մեզ շարք կանգնեցրեց, և մեծը, զույգեր կազմած, տղա և աղջիկ, շարասյունով դուրս եկանք փողոց և շարժվեցինք դեպի մեզ համար անծանոթ մշակութային այդ օջախ։ Անշուշտ իմ զուգընկերն էր Ա.-ն։ Մեծը զույգերով ձեռք-ձեռքի բռնած էինք քայլում։ Առիթից օգտվելով, ես ամասելի գորովանքով և մրբազգաց քնքշությամբ էի ափիս մեջ առել մրա փափիկ ու մուրթ թաթիկը։ Մեր ձեռքերի հպումից մրա ողջ էությունը կարծես թափանցել էր հոգուս խորքը։ Անտարակույս ես այդ պահին գտնվում էի մանկական անմեղ երանության աշխարհում... Ես խիստ զգուշավորությամբ էի թռնել մրա ձեռքը։ Թեև առաջին անգամն էր մեր, այսպես ասած, ձեռնագրությանը, բայց այն իմ անձի, երևի թե՝ նաև մրա համար եղավ մեր մտերմությանը նպաստող որոշիչ գործոն։ Ես ոչ թե երկչոտություն, անհամարձակություն, այլ մանկական անմեղ ասպետական վերաբերմունք ցուցաբերելով ամեն կերպ ձգտում էի ամենադուրյալ իսկ չափով չցավեցնել մրա քնքույշ ու փափիկ ձեռքը։



Երևանի պատմության պետական թանգարանը գտնվում էր մերկայիս Մաշտոցի պողոտայի արևմտյան ծայրամասում, այժմյան Ծածկած շուկայի դիմաց։ Այն մեկ հարկանի աղյուսաշեն ընդարձակ մի շինություն էր, որ այժմ էլ, ի քարեքախտություն մեզ, շարունակում է իր գոյությունը հոգատար ձեռքերում և կազմում պարսկական մզկիթի համակառույցի հյուսիսային հատվածի մի մասը։

Ինչո՞ւ եմ ասում՝ ի բարեբախտություն մեզ, որովհետև Երևան քաղաքի գլխավոր հատակագծի կենսագործման ընթացքում, 30-50-ական թվականներին, Հայաստանի իշխանությունները, մեզ հայտնի ինչ-ինչ ամֆիմն պատճառներից ելնելով, բարբարոսաբար քանդեցին-վերացրեցին և հողին հավասարեցրին մեր պատմության ու մշակույթի բազմաթիվ ամսա՛հ կոթողներ, այդ թվում նաև՝ Երևանի պարսից խանի շուրջ երեքհարյուրամյա պալատը՝ իր բոլոր հարակից շինություններով՝ այսպիսով հավերժական ամոթի խարամը դաջելով մեր ժողովրդի հազարամյակների ստեղծագործ մտքի ջի՛նջ ակունքներին: Ինձ համար, այնուամենայնիվ, ամհասկանալի և հանելուկ մնաց, թեև, ես համոզված եմ, մեր ժողովուրդը ամսահամոռեմ զոհ մնաց այդ քանից. ինչպե՞ս և ի՞նչ հանգամանքներ հաշվի առնելով պահպանվեց և անխաթար մինչև մեր օրերը հասավ պարսկական այս չքմա՛ղ կրոնական շինությունը... Երևի թե քաղաքի գլխավոր հատակագիծը կազմող մեր համաճարեղ ճարտարապետը Մաշտոցի պողոտան նախագծելիս մատիտը խիստ զգուշավորությամբ էր գործածել և անխաթարորեն անցնել մեր դարավոր հարևան ժողովրդի կրոնական-մշակութային այդ չափազանց արժեքավոր հուշակոթողի հարևանությամբ:

Հավերժական փա՛ռք և մեծարա՛նք նրան:

Ինչե՛կ, այս հարցի կապակցությամբ գմահատանքի խոսքը թողնեմք մեր հետագա սերունդներին՝ մասնագետներին և մտավորականներին: Թույլ տվեք ասել միայն՝ ժխտելով ժողովրդի դավաճանքը և մրա ամօխտելի արդյունք հանդիսացող ճարտարապետության և մշակույթի այլ և այլ մվաճումները, այդ կերպ դուք անառարկելիորեն ժխտական դիրք եք հանդես բերում նաև հենց տվյալ բուն իսկ ժողովրդի գոյության հարատևման նկատմամբ: Եվ այժմ էլ ամո՛թ ու անարգանք նրանց հասցեին, ովքեր տկարամտորեն և նեղմտորեն շարունակում են այդպես մտածել և գործել՝ այդ կերպ մոռացության տալով մեր ժողովրդի դարավոր տառապալից անցած ուղին...

Պատմության թանգարան մուտք գործելու առաջին իսկ պահից իմ առջև բացվեց մի նոր, անծանոթ աշխարհ: Այս առթիվ իմ մանկական անփորձունակ տպավորություններն անսահման էին, անընդգրկելի: Մշակութային սույն օջախ իմ նորամուտն ինձ մղեց ուսանելի մի նոր դպրոց, մի նոր հաստատություն: Ես հիացական, ակնապիշ դիտում էի ցուցասրահներում ներկայացված բոլոր ցուցադրանքները, որոնք ինձ հեքիաթային էին թվում, ո՛չ մարդկային մտքի և ձեռքի արգասիք: Իմ տպավորությունների մեկնաբանությունն ավելորդ է շատ պա՛րզ պատճառով. չէ՛ որ ես առաջին և սկզբնավորող քայլերն էի կատարում դեպի մարդկային կյանքի ճանաչողություն. չէ՛ որ ես իմ կյանքի այս փոքրիկ հատվածում առաջին անգամ բարեբախտությունն էի ունենում մտովի և, այսպես ասած, դիտողականությամբ շփվելու և նախնական ծանոթություն ձեռք բերելու մեր ժողովրդի պատմության և մշակույթի, մեր հայրենի արարչագործ բնության առարկայացած իրողություններին:

Ի թիվս մարդկային ստեղծագործ մտքի արգասիք հանդիսացող բազմաթիվ այս ցուցանմուշների, թանգարանում ներկայացված էին նաև մեր չքմա՛ղ բնության բուսական և կենդանական աշխարհի հպլվագլուտ մուշատեսակներ:

Թանգարանից դուրս գալուց հետո, վերադարձի ողջ ճանապարհին, քնքշորեն մրա ձեռքը բռնած, ես իմ մանկական մտորումներն ու խոհերը կիսում էի Ա-ի հետ:

Այդ օրն իմ առջև բացվեց հեքիաթային մի հրաշք աշխարհ...





Իմ Երաշխարհային մտերմությունը Ա-ի հետ շատ կարճ տևեց, ընդամենը երեք տարի: 1942 թվականին ԽՍՀՄ լուսավորության Երաշխարհային որոշումով դպրոցների կառուցվածքային համակարգը փոխվեց՝ վերաձվելով առանձին-առանձին աշակաճ և իգական դպրոցների: Այս չարաբաստիկ որոշումով իմ և Ա-ի դպրոցական մտերմական հարաբերություններին ժամանակավորապես դադար տրվեց: Ինչո՞ւ եմ ասում՝ ժամանակավորապես: Բանն այն է, որ այդ որոշումից դեռևս մեկ տարի էլ չէր անցել, երբ Ռուսաստանից գաղթականներ եկան՝ և բնակություն հաստատեցին մեր տանը: Հայեր էին նրանք, երկու ծեր ամուսիններ: Ծնողներիս հետ զրույցի՝ առաջին իսկ պահից, ի ցավ մեզ, պարզվեց, որ նրանք նույնպես վաճեցիկներ են: 1915 թվականի Մեծ եղեռնի օրերին մազապուրծ փախել էին իրենց հայրենի հողից և բնակություն հաստատել Ռուսաստանի Դոնի-Ռոստով քաղաքում՝ Նոր Նախիջևանում: Անասելի ողբերգական է այն փաստը, որ հայ ժողովուրդը, դառնալով գաղթական և գրկվելով իր հայրենի հողից ու ջրից, իր առաքինի, բարեպաշտ կյանքից, ապավինելով օտարի քարեհոգ, հյուրընկալ, մարդասեր վերաբերմունքին, ժամանակ անց կրկին դարձել է գաղթական՝ ձգտելով, սակայն վերջնականորեն չգտնելով իր բնակության մշտնջենական հանգրվանը:

Արտիցս արյուն է կաթում, երբ վերհիշում եմ այս բոլորը, անդրադառնում մեր ժողովրդի այս ամենացավոտ հարցին: Երևի՝ թե մեր ժողովրդի ճակատին ընդմիշտ դաշված է գաղթական լինելու հանգամանքը: Հարցնում եմ բոլորիդ, հայ ժողովրդի կենաց այս մորմորիչ հարցում ո՞վ է մեղավոր...

Երբ հայտնի դարձավ, որ այդ ծեր ամուսինները նույնպես վաճեցիկներ են և վերագաղթականներ, իմ ծնողների և այդ ծեր ամուսինների միջև ծայր առավ մտերմիկ, հարազատ, սրտահույզ մի անցկերջանալի զրույց: Տեղավորվելով հյուրասենյակի աթոռներից, նրանք երկա՛ր խոսեցին գաղթի արհավիրքների մասին, իրենց տառապանքներից, կրած անդառնալի կորուստներից, հայրենի վանից, այնտեղ անցկացրած ոչ վաղ անցյալի իրենց երջանիկ օրերից...

Ցավոք սրտի այժմ չեմ հիշում այդ ծեր վերագաղթականների անունները: Ասեմ, սակայն, որ այդ վաճեցիկների՝ մեր տուն ուղեղնելով, կարծես ճակատագրի բարեկարգիչ, քարեհոգոգիչ մի աստղ վերաշողաց իմ գլխավերևում: Դեռևս երկու օր էլ չէր անցել մեր ընտանիքի համար այդ իրադարձային պահից, երբ անակնկալորեն մեր տուն մտան երեք անձեր՝ իմ այնքա՛ն տեճալի Ա-ն իր պատկառազոր և գեղեցկատես ծնողների հետ: Առաջին պահին ես չկարողացա զսպել իմ շփոթմունքը: Սա ի՞նչ հրաշք էր, կյանքի իրադարձությունների ցախախնամական ինչպիսի՞ վերադասավորություն և վերիմաստավորում...

Իմ շփոթվածությունը չփրկեց Ա-ի ծնողների ուշադրությունից: Ա-ի հայրը ձեռք փաղաքշորեն քսեց գլխիս և մտերմաբար ասաց.

- Հյուր չե՞ս ընդունի:

Ի՞նձ այս անհարմար, անելանելի փիճակից դուրս քերեցիմ իմ ծնողները, որոնք այդ պահին դուրս եկան և ներս հրավիրեցին եկվորներին: Չմոռանամ ասել, որ ես Ա-ի ծնողներին ճամաչում էի առաջին իսկ դասարանից: Ես ծանոթ էի նրանց:

Ծնողներս հարգալիցորեն հյուրերին ուղեկցեցին պատշգամբ: Դեռևս չէին տեղավորվել իրենց աթոռների, երբ կից սենյակից դուրս եկան մեր կենդիվ ծեր գաղթականները և գրկախառնվեցին մորեկների հետ: Այս անսպասելի ջերմ վերաբերմունքից ես ամփիջապես կանխազգացի, որ նրանք մոտ հարազատներ

եմ: Իսկ երբ գրկախառնության ընթացքում Ա-ն մի քանի ամգամ գորովայի արտաբերեց «տատի՛կ», «պապի՛կ» ինձ համար այնքա՛ն հարազատ բառերը, իմ կանխագուշակումներն արդեն կասկած չէին հարուցում: Քիչ հետո պարզվեց ողջ իրողությունը: Ա-ի մայրը մորաքնակ գաղթականների դուստրն էր: Մեր ամուսինները, կրկին որպես գաղթական, Դոնի-Ռոստովից Երևան տեղափոխվելուց հետո, որոշ ժամանակ անցկացրել էին իրենց դստեր տանը, այնուհետև տեղափոխվել մեզ մոտ:

Վերջապես ես գտա մանկական իմ անհո՛ւյս երազանքի ընդհատված ուղին: Վերջապես ես երևի թե հաճախ պետք է վայելեի ինձ համար այնքա՛ն անձկալի Ա-ի լուսաշող ներկայությունը:



Եվ այսպես, անցավ ինձ համար հոգեկան բերկրալի ևս երկու տարի: Պատճառը՝ Ա-ի հետ հաճախակի հանդիպումներն էին: Սակայն կատարվեց անսպասելի: Կարճ տևեց իմ և Ա-ի հոգեբուժանդակալից կյանքի օրերը: 1945 թվականին, պատերազմի հաղթական ավարտից մի քանի ամիս առաջ, այս երկու տարիների ընթացքում ինձ համար այնքա՛ն հարազատ դարձած գաղթական մեր ձեր ամուսինները հանկարծակի լքեցին մեզ, հեռացան մեր տանից: Միայն չեմ հիշում, նրանք կրկին վերադարձան Դոնի-Ռոստով, թե՞ մնացին Երևան քաղաքում: Ինձ համար ընդմիջտ մնաց անհայտ: Այս «վարմունքով» նրանք չգիտակցեցին, որ մեկընդմիջտ գրկելու էին ինձ այնքա՛ն հոգեմոտ, հոգեհարազատ ու խիստ տենչալի իմ Ա-ի հետ հանդիպումներից ու շփումներից: Իսկ ինչո՞ւ, կհարցնեք դուք, ես չեի՞ կարող ժամադրվել նրա հետ, ինչպես հիմա, և պահպանել մեր հոգևոր կապերը: Ո՛չ, կրկի՛ն ոչ: Այն ժամանակ մարդկային քարոշական նորմերի կիրառությունը կյանքում չափազանց բարձր հիմքերի վրա էր և ոչ՝ մման այսօրվա: Յուրաքանչյուր ոք, մեծ թե փոքր, իր տեղում էր և իր դիրքում, ուներ իր տարիքին համապատասխան իրավունքներ և պարտականություններ: Բոլոր ժամանակներում էլ, իհարկե, բացառություններ եղել են, բայց այդ շեղումները որոշակի տարածում չեն ստացել կյանքում: Խոսքս այն մասին է, որ մեր ժողովուրդն այն ժամանակ կենցաղային-քարոշական հարցերում խիստ պահպանողական էր՝ խոսքիս չիարժեք դրական իմաստով:

Ինչևէ, չերկարացնեմ: Թույլ տվեք երկու խոսք ասել վերջին այս տարիների ընթացքում իմ և Ա-ի միջև սրտամոտ փոխհարաբերությունների մասին: Ա-ն, հանգամանքների բերումով և ի բարեբախտություն ինձ, ինչպես արդեն գիտեք, ձեր ամուսինների՝ մեր տուն բնակություն հաստատելուց հետո, սկսեց հաճախակի այցելել իր հարազատների՝ տատին ու պապին, ծնրդների հետ կամ առանց նրանց: Այսպիսի այցելությունների «մեղավորը» երևի թե մի քիչ էլ ես էի: Ես դա բացահայտ կերպով զգում էի: Երբ Ա-ն այցելության էր գալիս իր տատին ու պապին, շատ ժամանակ չանցած՝ նա արդեն իմ կողքին էր լինում, ինձ հետ: Պատճառը՝ ես այն ժամանակ սիրողաբար զբաղվում էի նկարչությամբ: Անտարակույս, իհարկե, ես չէի տիրապետում նկարչական արվեստի նրբին գաղտնիքներին, բայց անկեղծ նվիրումով զբաղվում էի այդ գործով և հոգեկան մեծ քավակնություն ստանում: Նկարում էի մատիտով կամ ջրաներկով: Իմ և Ա-ի հարազատներին թվում էր, թե նա ինձ է մոտենում՝ իմ զբաղմունքի նկատմամբ դրսևորած հետաքրքրասիրությունից: Բայց ամենևին էլ այդպես չէր: Մեր մանկա-պատանեկան հոգիներն ու սրտերը տենչում էին միմյանց: Ես որևէ պատճառ կամ առիթ չունեի նրանց տուն այցելելու: Երկսեռ դպրոցն էլ՝ չկար...

Այն օրերին, երբ ես չէի հանդիպում Ա-ին, չէի վայելում նրա քաղցր մերկայությունը, այդ օրերն ինձ թվում էին անիմաստ, անքովանդակ, սին դատարկություն: Չեմ սխալվի, եթե ասեմ, որ այդպես էր նաև Ա-ի համար, որովհետև երբ ես հանդիպում էի նրան, նրա այքերը պայծառորեն ու անթաքույց շողշողում էին, և այդ շողքը, ինչպես անշեղորեն դեպի մպատակակետը սուրացող մետ, ամփիջապես խոցում էր, մխրճվում հոգուս խորքը՝ այնտեղ, իհարկե, ոչ թե ցավ, այլ խտրականքի ու բերկրամքի անկոծություն անաջացմելով:

Այս կարճ ժամանակընթացքում Ա-ի տատիկն ու պապիկը ինձ համար մույնպես դարձել էին հարազատներ, թեև ժողովրդական ասացվածքն ասում է՝ «Ձվածեղի խաթըր թավալի պոչն եմ համբուրում»: Ես համոզված կերպով ասում եմ, որ բոլորովին էլ այդպես չէր: Այս կարճ ժամանակընթացքում ես մերջուստ կարծես մույնպես հարազատ էի դարձել նրանց: Նկարելուս պահերին այդ ծեր գաղթականները հաճախ մոտենում էին ինձ, զովաբանական խոսքեր ասում, ոգևորում, որոշ դիտողություններ անում՝ իհարկե ոչ բոլոր դեպքերում նպատակային և ճիշտ: Այդ պահերին ես ինձ անասելի շուրջած և երջանիկ էի զգում: Նրանց նկատմամբ իմ տածած անկեղծ վերաբերմունքի պատճառը երևի թե այն համգամանքներն էին, այն տառապալից և օրհասական օրերը, որոնցից ամմասն չէին մնացել և ճակատագրորեն «վայելել» էին նաև իմ ծնողները...

Վերջին հարյուրամյակների մեր ժողովրդի ճակատագրին բնորոշ այս զույգ ծեր թափառականների՝ մեր տանից հեռանալով, Ա-ն ինձ համար դարձավ մտապատկեր հուշ: Դրանից հետո Ա-ն այլևս չայցելեց մեր տուն: Այդ օրից ես երկար ժամանակ տեղս չէի գտնում: Կարծես ամեն ինչ ինձ համար տակնուվրա էր եղել: Ես հոգեկան մեծ ցնցում ապրեցի՝ գիտակցելով, որ այդ օրից ես ընդմիշտ կորցրեցի իմ ամեն ու սուրբ Ա-ին: Այդ օրից այլևս ես չվայելեցի նրա ամմեն՝ այքերից դուրս ժայռքող պատանեկան ամվերահսկելի զգացմունքների ներաշխարհային պոթկումները...

Չար ճակատագրի դաժան ու անողորմ հարվածով այդ օրից Ա-ն ինձ համար մնաց որպես անդառնալի, ամվերականգնելի, ամվերագտնելի հոգեալեկո՞ծ մի հուշ...

«Երանի իցե առն որ արհամարհիցե զամենայն վասն երկիւղածութեան, իսկ խիստն սրտի՝ ամկցի ի չարիս» (ԱՌԱԿՔ ԱՌՂՈՍՄՈՆԻ ԻԸ 14):